

## Xurree Milkaaâ€™inna fi Gammachuu-Lakk.20

### Description

Nama tokko dhugaan yoo jaallatte, isa duuba hin hamatin, bakka inni hin jirretti yommuu maqaan isaa badu ati kabaja isaa eegif. Hanqinna isaa irra darbiif. Dogongora isaa amala gaariin sirreessif. Badii irratti hin gargaarin. Kana irra toltu irratti gargaari. Fakkeenya gaarii taâ€™iif yookiin isa akka fakkeenya gaaritti fudhu.

**Mallatoon lamaffaan fedhii lubbuu hordofuu agarsiisan keessaa of dinqisifachuudha.** Biqiltu badii baayâ€™een of dinqisifachuu fi boonu irraa margu. Namni yommuu of dinqisifatu, oftuulun namoota biroo gadii xiqqeessa, olâ€™aantummaan itti dhagahama. Kuni immoo of guddisuu fi fedhii lubbuu hordofutti isa geessa. Adeemsi kuni kufritti isa geessu dandaâ€™a. Namoonni baayâ€™een haqa irraa kan garagalaniif waan oftuulanii fi of dinqisifataniifi. Wanta hundaa waan beekan isaanitti fakkaata. Beekumsaa ifaa osoo hin qabaatin murteessuf ariifatu. Fakkeenyaaf, namni tokko beekumsa ammayyaa yookiin beekumsa amantii xiqqoo argachuun yoo beekumsa saniin jijirama wayii agarsiise, Rabbiff galata galchuu dhiise oftuulu jalqaba. Ergasii beekumsa malee fedhii lubbuu hordofuuun dhimma cimaa irratti murtoo dabarsuu dandaâ€™a. Namoota isaa olii fi beektota dhageefatu hin barbaadu isaan waan tufatuuf. Gareewwanii fi hoggantoonni beekumsa malee namoota nagaha fixan haalli isaani kanuma. Yaada namaa waan hin fudhanneef namoota isaan faallessan ajeessu fi fixuudha. Seena keessatti gareen Khaawarija fi yeroo ammaa gareen akka ISIS, Ahibaash akka fakkeenyatti eeramu dandaâ€™u. Kuni hunduu beekumsa malee fedhii lubbuu hordofuu irraa kan dhalateedha. Seena keessatti of dinqisifachuu irraa kan kaâ€™e namoonni nabiyummaa himatan baayâ€™eedha. Fakkeenyaaf, Museylima al-kazaab, Ghulaam Ahmad(Hindii) fi kkf

Kanaafu yommuu of dinqisifattu, fedhii lubbuu hordofuuf akka deema jirtu yaadadhu. Mallatoolen sitti dhagahaman kanniini ,â€™Ani beekadha, qalbiin tiyya qulqulludha, ani isa/isaan irra kan qajeele fi qulqullaâ€™edha, fi kkfâ€™Ergasii namoota jibuu fi tuffachuu eegalta. Yaada namoota fudhachuun sitti ulfaata, garuu yaada kee akka fudhatan garmalee barbaadda. Dogongora kee arguu dhiiste kan namoota waliin koâ€™oomta. Kanaafu, mallatoolen kunniin yommuu sitti dhagahaman, ofirraa hanbisuuf carraaqi, of gadii qabuuf tattaafadhu. Miironni of dinqisifachuu yommuu sitti dhagahamu sheyxanaa Rabbitti mangafadhu. Qananii fi milkaaâ€™inna argatteef of dinqisifachuu osoo hin taâ€™in Rabbii galata galchii. Namtichi yommuu of dinqisifatu fi boonu Rabbiin qananii kenneef irraa fudhata.

**Firii imaana keessaa tokko yommuu namoonni dhamaâ€™anii fi sodaan hollatan,**ati tasgabbii fi boqonna sammuu argatta. Imaanni nageenya siif kenna. Dhugumatti Rabbiin warroota amananii fi hojii gaggaarii hojjataniif wanta waadaa galeef ni guutaf. Addunyaa Aakhiratti isaan hin sodaatanis hin gaddaniis. Nummaan dhugaan haa amannu ergasii hojii gaggaarii Inni itti nu ajaje haa hojjannu, hojii badaa irraa haa fagaannu, Insha Allah Rabbiin waadaa ni guuta. Dhugumatti imaanni qananii hundarra caalu fi garmalee qaali taâ€™edha. Kanaafu qananii kana badii hojjachuun hin dhabin.

Rakkoo fi dhamaâ€™insii amma keessa jirtu fundura kee sitti hin gurraachessin. Rakkoon kuni yeroon booda deemun tolti ni dhufti. Nageenya fi tasgabbii yoo barbaadde gara Rabbii deebiâ€™i. Rakkoon darbee gammachu fi tolti hanga dhufanii obsi. Abdii hin kutin.

Nama zamanaa fakkaadha jette surree ofirraa hin ciccirin, rifeensa osoo miccirtuu yeroo of jalaa hin gabin,nan bareeda jette akka dubartii faaya gurratti hin dirin,kuni gonkumaa hin bareedu ni fokkataa malee. Maanche, Arse osoo jettu jirenya hin qisaasessin. Yeroo fi jirenya keetti sirnaan fayyadamuun nama buâ€™aa gaarii buuse addunyaa irraa boqotu taâ€™i. Gammachu fi milkaaâ€™inni dhugaan halkanii guyyaa kubbaa miila hordofuu, faashina waliin maraatu irraa kan dhufu osoo hin taâ€™in, cimanii hojjachuu fi amalaa gaarii qabaachu irraa dhufa.

**Guyyaan Qiyaama yoom akka dhuftu Rabbiin namoota irraa dhoksuun rahmata Isarraa** taâ€™eedha. Osoo namoonni guyyaan Qiyaama yoom akka dhuftu beekanii silaa jirenya sirnaan gaggeessu hin dandaâ€™an, addunyaan ni jeeqamti. Sababni isaas, warrii durii Qiyaaman fagoodha jedhanii waan yaadaniif hojii Aakhira dagachuun addunyaa qofa jala fiigun of hoongeessu. Warrooni Qiyaamatti dhiyaatan immoo â€˜Qiyaaman nurratti buâ€™uufi.â€™ jedhanii osoo sodaatanuu jirenya ofiitiif hojjachuu dhiisu.

Kanaafu xiyyeffanoon keenya guddaan â€œQiyaaman yoom akka dhaabbattuâ€•qorachuu osoo hin taâ€™in, â€˜Guyyaan Qiyaamatiif maal qopheessine, galaan keenya maaliidha? Ani Guyyaan cimaa saniif maal qopheefadhe?â€™ jenne of qorachuu qabna. Wanti ni dhufa jedhame gonkumaa hin hafu, ni dhufa. Guyyaan Qiyaamas guyyaa tasa namarratti dhufuudha. Rabbiin rahmata Isaatiin mallatoolee Guyyaan Qiyaama baayâ€™ee agarsiise jira. Namni mallatoole kanniniti amane hojii gaarii qopheefate lubbuu ofii fayyade, namni dide irraa garagale immoo lubbuuma of miidha. Harâ€™a diduun yommuu adabbii ibiddaa arguu amanuu fi gaabbun maal isa fayyadaa?

**Yommuu milkaaâ€™inna guddaaf dharraatu, guyyaa hundaa akka qoramtu beeki. Qormaata fi qoree jirenya keessa yoo dabarte, bakka guddaa geessa. Qormaanni bakka lamatti qoodama. Isaaniis, qormaata keessaa fi kan alaati. Qormaata kanniin yoo addaan baafte fi darbuuf carraaqxe bakka guddaatti olfuudhamta. Kanaafu obsa qabaadhu.**

Qananiin galata hin qabnee namtichaaf abaarsa fi dhiphinna itti taati. Namtichi qananii Rabbiin isaa kenne hojii gaarii ittiin hojjachuu dhiise yommuu Rabbiin faallessuu fi badii hojjachuuuf itti fayyadamu, dhiphinnii fi gaddi gara hundaan isa marsa. Gara inni hin beeknen Rabbiin isa qaba. Garuu osoo bakka kanaa hojii gaarii ittiin hojjachuu Rabbii ajajame sila qabeenyis isaa dabalam, boqonnaa sammuus ni argata. Kanaafu qabeenyi kiyya jechuun bakkuma argiteetti hin dhangalaasin, abaarsa fi dhiphinna sitti taâ€™aati. Sadaqaa kennuu fi Rabbii galata galchuun jirenya gammachu jiraadhu. Qabeenya keetin hin boonin.Yaadadhu, **Rabbii galata galchuun jechuun qananii Inni namaan kenneen hojii gaarii hojjachuu fi qananii sanitti fayyadamani Isa faallessu dhiisudha.**

**Mucaa/intala akkam cawaadha yommuu jedhamtu gammachu akkamtu sitti dhagahama!** Garuu saala faallaa waliin akkuma feete osoo taatu yoo mulâ€™atte, maqaan â€œCawaa (qulqullummaa ofii tan eegdu)â€• sirraa kaâ€™e maqaan salphinnaa sitti maxxfama. Kanaafu, Nama qulqullummaa fi kabaja ofii eegu taâ€™i jiraadhu. Qulqullummaa kiyya dhabee jira jette kan rifattu yoo taate, gara Al-Gaffaar (Rabbii namaaf araaramu) deebiâ€™un tawbaan of-qulqulleessi.

**Date Created**

---

October 11, 2017

**Author**

admin